



Biblioteca pastorala 2013 (Jan-Andrea Bernhard, Daniel Bolliger)

La fin da l'onn 2012 ha pudì vegnir terminada l'adattaziun da la «biblioteca pastorala al stadi tecnic da la biblioteca chantunala» ch'era vegnida concludida dal cussegl da la baselgia evangelica l'onn 2008. Durant l'onn da rapport ha gi lieu ina midada da personal. Dr. Jan-Andrea Bernhard ha visà sia piazza ed il cussegl da la baselgia evangelica ha elegì sco successur dr. Daniel Bolliger, reverenda a Vuorz-Schnaus.

Introducziun

Il nov bibliotecari è vegnì introducì en sia lavur da la bibliotecaria chantunala e d'ulteriuras personas spezializadas da la biblioteca chantunala sco er da ses antecessur.

Barat ed administraziun

Il barat (biblioteca chantunala, archiv dal stadi, scola auta teologica) è vegnì tgirà vinavant. L'administraziun ha cumpiglià en spezial la redacziun dal rapport annual 2012 e dal quint annual 2012/13, la midada sin PostFinance e sin la contabilitad electronica, la correspundenza da la biblioteca pastorala sco er la redacziun da las glistas da trimester (acquisiziuns da cudeschs).

Tgira dal fundus

La tgira dal fundus ha pertutgà en spezial las novas acquisiziuns resp. la classificaziun da la litteratura teologica tenor il profil d'acquisiziun e tenor la controlla resp. la classificaziun da veglias bibliotecas da reverendas sco er da donaziuns da bibliotecas istoricas.

Expressivamain vulain nus render attent che Emeritus Martin Caveng, Romanshorn, ha surlaschà a la biblioteca pastorala ina collecziun fitg preziosa: Per l'ina cumpiglia la donaziun circa 75 raras (retoromanicas, reticas, protestanticas), per l'autra ina ritga collecziun da documents davart il "benefizi" dad Anton Cadonau (1850-1929) e da sia activitad commerciala a Singapur (1874-1899). Per questas actas èn vegnidas fatgas registas; ellas vegnan tegnidas en salv sut ina signatura separada en l'archiv dal stadi sco deposit permanent.

Lavur da publicitad

En il rom da la retscha da referats tar l'exposiziun *Il Grischun ed ils nunconformists da la Refurmaziun* (favrer/mars 2013) en la biblioteca chantunala ha Jan-Andrea Bernhard salvà il referat final "*Italienische Nonkonformisten auf dem Weg durch Graubünden nach Zentraleuropa*"; a medem temp èn vegnids exponids ils documents da la biblioteca chantunala e da l'archiv dal stadi ch'èn impurtants en chausa.

rev. dp dr. Jan-Andrea Bernhard, Castrisch
rev. dr. habil. Daniel Bolliger, Vuorz
bibliotecaris pastorals